



ИВАН ВАВИЛИН

Кывбуръяс
Поэма

*

Коми книжнӧй
издательство · Сыктывкар 1973

С (коми)

В 12

Вавилин И. М.

Кывбуръяс, поэма. Сыкт., Коми кн. изд.,
1973. 80 лб.

Коми поэт Иван Михайлович Вавилинӧс тӧдӧны да радейтӧны том и пӧрысь, быдмысь войтыр и олӧмаяс. Гижӧ сійӧ и челядьлы и гырысьлы. Тӧдчана поэтӧн асьӧ петкӧдліс И. М. Вавилин и сатира да юмор юкӧнын. Тайӧ книгасӧ артмӧдісны выль кывбуръяс да «Сылысь пӧль» поэма. Книгалысь шӧр визьӧ петкӧдлӧ сылӧн «Бурсиӧм» нима кывбур. Поэтыс бурсиӧ ас чужан мулы, муса вӧр-валы, уджач войтырлы, бур сьӧлӧма зіль йӧзлы.

В 0743—012 32—73 М
М128(03)—73

ТЭ МЕНАМ ДОР И ШӨР

Не сөмын друг — тэ менам дор и шөр!
Көть му пыр муна, кывйӧс ог босьт бӧр,
Ог терпит скӧнь кыв нуӧм-вайӧм.
Збыль другасьӧм оз сотчы ни оз вӧй,
Пӧсь сьӧлӧмъяслӧн коркӧ вунас мӧй
Кузь олӧм поскӧд орччӧн кайӧм?

А поскыс, кӧть и веськыд, вывті крут.
Юр бергӧдчис. И эн кӧ менӧ кут,
Быд тшупӧд эськӧ увлань лыдди...
Но тэнад кысь менам ки эз мын,
Мем тэсянь вуджис повтӧмлун и вын,
Юр бергӧдчӧмӧс эг нин пукты пыдди.

И вывлань, вывлань кавшасим ми пыр,
Од улӧас сэн шуштӧм оландыр.
Мед эськӧ сійӧ ми бӧрысь эз вӧтчы,
Кос кабырыс мед миянӧдз эз судз,
Ми сёысь вожмалӧм и нырим мудз,
Но шойччан дум эз вола ньӧтчыд.

— Эн пов,— мем шуин,— поскыс абу сись.
Зэв крут кӧть менам партиялӧн визь,
Ог кежӧй, мунам сылӧн пасӧд!
Ме гӧгӧрвои сэк, сё муса друг,
Мый ассъым шудӧс корсян туй эг дзуг,—
Дась кайны крут посӧ кӧть дасӧс!

Ас йывсьыд ме эг кывлы тэнсьыд висьт,
Но долөн кылі нин — тэ коммунист,
Эг сорсьы. Сьөлөм, вөлөм, төдө.
И со быд пятилеткалысь крут пос
Пыр кайим тэкөд орччөн рельсьяс моз...
А талун каям өкмысөдөс.

МЕНАМ МАЯК

Кужтöмлунла кö джöмда ли виньда,
Тöда, нэм кежлö сьöдөн оз ляк,
Вернöй петан туй югдöдас-индас
Менам партия, менам маяк.

Сылөн став вöсна сьöлöмыс висьö,
Кылö быдөнлысь радлун и шог.
Ассьыс быд уджö пуктивны кисö —
Сылөн вемöдзыс йиджтысьöм мог.

Кеслö тэнö и менö, и асьсö,
Медым сюсьлун и сямлун век ёсь.
Ылöдз индалö олöмлысь пассö,
Менам татысянь синмöй оз босьт.

Ас маяк вылö лачаён ола,
Синсö сы вылысь оз босьтлы лов.
Сылысь югöрсö воштöмысь пола,
Нэм кöть биысь ни ваысь эг пов.

Сийöс вошта кö, мый лоö, зонъяс?
Öти кывйён кö, пом лоö мем:
Ловъя вылысь ме лоа сэк шонъян,
Кувтöг кула да орöда нэм.

АС МУ ДІНО КЫВ

Эз тэнө увтыртлы Россия,
Сы вылө элясьны оз ков.
Роч йөзлөн төлка, медбур пиян
Тэ ради пуктылісны лов.

И тэ он элясь, менам парма,
Эн өтнад вөв сэк дьобсьыс дьоб,
Кор пукаліс трон вылын сарнас,
Код медся горш да медся бөб.

Сэк тэныд синмад сьöлавлісны,
Спесь чина шуліс:— Ковтөм му!
Вой муыд помысь чис ни пис ни —
Ош гуыд лоас век ош гу.

Но революциялөн гымысь
Пось гөлөс кыліс:— Тайө лөж!
Тэ весьтын кывйыс татшөм пымыс
Эз горавлы став нәмъяс чөж.

А горалысьыс вөлі Ленин,
Код сэк нин аддзис тэнсьыд вын.
Вождь отсөгөн тэ помөдз венін
Дзор морөс пытшсьыд нәмся кын.

И регыд нефтьлөн веж вөр пытшкад
Ен йиркөдз брызънитіс фонтан,
Эн этша тэ сы вөсна тышкась,
Мед нефтьөн мавтны ассъыд бан.

А газыд, тэнад чим лӧз вирыд,
Пыр видлалӧ выль оланін.
Эз прӧста веськӧд, дерт, став мирыс
Тэ вылӧ завидьтана син.

БУРСИОМ

Рөмьд вуджрасьö на расын,
Шондi корсьö петанiн.
Ме нин шуала:— Бур асыв!
Сэссия вöлись восьта син.
Луннас, кодi локтö-мунö,
Налы вичмöда «Бур, лунöс!»
Чайтсьö, «Бур лун» кö ог шу—
Бергалöмсьыс дугдас му.

Шондi ассьыс туй кост рöдтöм,
Онi мунö мед кöть кыт...
Мортыс тöдса кöть мем тöдтöм,
Ставлы копрася:— Бур рыт!
Весь оз шуны— бурöс сиöm
Сэтшöм жö, кызд лёкöс виöm.
Кыйсьывлö пö-й сямтöм зон,
Эм кö вежöра, бур пон.

Ывла вылын ыркыд лой,
Руөн вевттьысис веж сөн.
Енэж вылö гожся войыс
Зэвтiс бисерьяса вон.
Бурсины мöй верман мудзны?
Шуи ставлы:— Бура узьны.
Узьны-шойччыны бур пöt,
Ставлы вöтавны бур вöt!

МЕНАМ СТАВЫС, ЭМ

Морт нэмөс ассым вуджны
Эм менам ставыс, эм.
Но колө сөмын кужны,
Кыз сийөс вуджны мем.

Оз артмы мукөд дырйи
Бур воськов вөчөм, оз.
И олөмлөн крут кырйыс
Сэк потшлас йөйөс моз.

Но Рөдинайи менам
Дыр йөйявны оз сет.
Крут кырсө сукөд вена
И водзө мөда сэт.

Од сөмын тайи муас
Став коланаыс эм.
Ме аслам нэмлы шуа:
— Тэ бурлун чужтысь нэм.

Сы сюрс пай дон ог сулав,
Мый сетис чужан му.
И уджйөзаон кула —
Мөд кыв он корсь, он шу.

А кувтөдз выныштчыла
Да вөча на выль удж.
Дерт, ог во медся вылас,
А ланьтны сідз — ог куж.

МУЗАКӨД

Мөдiм, Муза! Ветлам мекөд.
Ветлам бур йөз ордө
Кыскө лолөй биа цехө —
Тырмас шөйтны сөрдөд!

Сөрдса пу көть вылын юра,
Енэж вевт көть пыкө,
Сьөлөм талун оз нин бурась
Аддзысьлам көть ськөд.

Мортлөн сямьс медся джуджыд —
Со мый меным колө!
Көсья йөзкөд өтув уджын
Көртлы сетны олөм.

Медым ловъя моз жө көртыс
Нэмсө оліс-выліс:
Медым шоглун дырйи бөрдіс,
Гажлун дырйи сьыліс.

Мөд шуд корсьны меным некысь,
Некөн лов оз инась.
Шудсө петкөдас мем цехысь
Вирдалысь машина.

Кылан, Муза, кьдзи өні
Лолөй ськөд йитчө:
Со тай кывбурлөн быд сөнын
Радлун вөрөшитчө.

ПОСЬЛУН

Лёк кӱдзыд талун ачыс кыйсьӱ,
То сэн, то тані — шкув да шков!
Мый морсӱ эськӱ сійӱ лыйсьӱ?
Од, збыль кӱ шуны, морт оз пов.

Код сыысь полас миян кадӱ,
Кор мортлӱн пӱсьлун медся ён,
Кор татчӱс газлӱн лӱз зарадӱн
Му мӱдар помӱдз лыйлӱ зон?

Мед видлас дурны ещӱ мӱдысь.
Мед сійӱ кӱдзыд. Месӱ — пым.
Сідз чабырта кын голяӱдыс,
Жаляддза ачыс бӱрддзас лым.

И шуа:— Пищальтӱ вай пукты!
Тӱд дурны кадыс эз нин коль.
Мед сӱсся ӱні лыйлас Вуктыл:
Ружьеас вӱчам нин мӱд ствол.

Лёк кӱдзыдсӱ кыз муас жмиті,
Дзик пыр жӱ лон шыч ни рач.
Трубаяс помся йиті-йиті
Да ошйыси: вот, мися, тадз!

Мем, мися, лёклуныд оз имит,
Тӱ, мый кӱть вӱч, а удж он дзуг.
Од пӱсьлун — менам друглӱн нимыс.
Вот тайӱ да! Вот тайӱ друг!

БУР ЙӖЗ РАДИ

Бур йӖзлы киӖ босьтантор
Ме кӖсйи вӖчны ичӖтысянь:
Ас кежысь кодыр поми шор,
Мем чйтсис, сямӖй пом ни дор...
Ак! Мыйла тадзи ловнад шызян,
Кор он тӖд, сямьд петас кысянь?

Сӕк «пом ни дор», а талун мем
Оз тырмы сямӖй коланӖнӖ.
И зӕвтли сӖн, и зӕвтли вем,
Кыккирудз эг пукавлы нӕм,
Со пӖрысьлун нин мышкӖс синӖ,
А киӖ босьтны век на нинӖм!

Но йӖзлы киӖ босьтантор
Ме ӖнӖ бара на со пана.
И коркӖ мыйкӖ ог мӖй дор,
КӖть эськӖ кадыс, дерт нин, сӖр,
Мем чйтсьӖ, мися, удита на,
ЙӖз водзас помӖдз ог на янав.

А ог кӖ шудӖс ассьым су,
Мем Ӗна элясьнысӖ немьсь;
Кор менӖ босьтас ыркыд гу,
Сӕк оз-Ӗ мӖй нӖ кодкӖ шу:
— КӖть эз коль уна бурыс-эмыс,
Но мян ради мырсис нӕмыс.

ЧУЖАН МУ РАДЕЙТЫСЬЯС

Ог корсяв райлысь елма шыяс,
Ен вылө ог веж весиг чаль,
А му выв олөмысь скөр гыяс
Мед венны — нинөм абу жаль.

Ас нэмө өтчюд найөс венлім,
Кор помсянь помөдз йиркис му,
Сэк ставыс веськодь вөлі енлы,
Дзик некодарө кыв эз шу.

Ми чарлаястөг паськыд адас
Европа эрдын вундім сэк.
И таысь медыджыд награда,—
Мый өнөдз шудаөсь на век.

Көть олөм чард моз кыз оз вирдышт,—
Сы сывйө кольө сэкся кад.
Оз чусмы вермөмнымлөн дзирдыс,
Ме шуа тайөс, важ салдат.

Тан коркө чужас дзик виль олысь,
И сэк на подвижным оз сім.
Виль мортлөн сэк на пузяс лолыс,
Кор кылас мянсьыным ним.

И шуда синвасө оз сайөд,
Мөд визьөд мөвпъяссө оз ну,
А мян йылысь шуас:— Найө
Збыль радейтлөмны чужан му.

„КАТЮША“

Коркө тшөтш жө мусукасьлі,—
Таысь дивитны оз позь.
Сьөлөм дзайгис: сәсь ли, тась ли
Мун пө ыджыд муслун корсь.

Сетчи пуысь сьөлөмөйлы,
Сійөс нимкывйөн он өв...
Бөрас сідзи шогө вөйлі,
Ёрлі ачымөс сө пөв.

Врагөс нөйтіг кынмис пужтөг
Менам муслун, шуда пай.
Коньөр гөтыр пиөс чужтөм,
Сәсся шуөм:— Прө... прө... щай.

Он төд прөйдитас кыт рөкыд,
Олөмыдлөн кымын гыд.
Эскөй меным: вывті сьөкыд,
Сьөкыд нбылавны кос кыд...

Нель во мысьт ме аддзи пиөс,
Мортыд, видзөда да, тшап.
Мырдөн сылы сета киөс,
Ме өд, мися, тэнад пап.

— Абу пап, а тэ —«Катюша»,
Төндзи висьталіс мем пөч...
Миномётчиклы мөй чушас
Татшөм ним, кор тадзи стөч?

Збыль өд «Катюшакөд» биөн
Сотім вөрөглысь пеж поз.
— Атьё бур кывсьыд, шань пиёй!
Шог оз сот нин воддза моз.

«Гортöй тыртөм,— чайтлі сідзи,—
Тыртөминад эн көть пыр...»
— Тэ көть, пиёй, шудөс видзин...—
Кайта синва кутігтыр.

ПРОЛЕТАРЛЫ КЫВ

Отчыл бой дырйи Донбассын
Уси свастикаа асс.
Тайо парашюта ассыс
Няргис:— Ме... рабочёй класс...
Эк ті, мывкыд воштысь ассъяс!
Чөвтөй муодз пернапасъяс:
Босьтід Гитлерлысь бур пай—
Дзескыд гу. Сән тиян рай.

Мөд салдат, кор шедіс пленө,
Шуис:— Шуд на уси мен!
Тода, немеч муын, сәні,
Пролетарлы збыльысь плен...
Эз кө важыс вылькөд сорась,
Эськө эг нин шыав-горав,
Вом тыр эськө босьті ва,
Скөнъ кө кулі пеж война.

Пыр на гөрө биа амысь,
Бөрөздаяс тырыс— вир.
Вирсө пычкысьыс Вьетнамын
Горзіс:— Тан ми дорам мир!
Личкас пөръясьысьөс кадыс:
— Ноко, нартлунысь, лёк адысь
Пыркнит-мезды став му шар,
Кывйыс тәныд, пролетар!

МӨД ПЁТР

Помнитан, Полтава дорын
Кыдзи жаявлім, Петро?
Бойыс вөлі сэтшөм чорыд,
Чайтім, помыс оз нин во.

Содтөд конъяліс рөспута:
Быри сёян, лыйсянтор...
«Мыйён врагөс пыкан-кутан?»—
Кыліс гөлөс норсьыс-нор.

Тэ сэк сувтін:— Абу жыннян
Миян юрным — өшны нем!
Ковмас видлыны сой вынъяс,
Чайта, сійө миян эм...

Тані тышкасьліс Пётр Первый,
Вөлі сойвына и ён.
Видлам, кодлөн крепыд нервыс,
Код тан ыж, а код тан зон?

Первой Пётр кө өвліс коркө,
Вермас сідзкө-й лоны мөд...
Зырсьө враг, мый вөчан, моркөд?
Мөд Пётр йылысь оз на төд.

Сэссия-й төдліс, и оз вунөд,
Йөгсө новлөддас сё во...
Меным сэксянь кулан лунөдз
Другөн лоин тэ, Петро.

ТЭ ПЫР НА ЛОВЪЯ

Тадз артмис тай. Сё лешак пызь!
Мем — ветымын, а тэныд — кызь,
А коркё тшөтшъяясөн вөлім.
Дас өкмысаось вөлім сэк,
Кор кузя ышлалыштім:— Эк!
Но пароходё чожа сөлім.

Дыр дзоргисны сэк нель гоз син,
Нель сьөлөм воштисны лөнин,
И помся өвтчисны кык чышъян.
Шог здукуыс тайё оз вун нэм,
И чайтсьө онөдз на пыр мем,
Ми быттё нывъяссъыным пышъям.

Но отитор зэв лои лёк:
Том мусук дінад бөр эн лок,
И сынөд тэ гөгөр оз гөвкъяв.
А менам висьлө на жө дой,
Сэк өти войыс мем кык вой,
И зыртчылөны курыд мөвпъяс.

Эм обелиск. Ми кольөм во
Став сиктөн вөчим. Пөшти сё
Сы вылын төдса нимъяс-овъяс.
Эг вунөдой, эн сыысь пов,
На лыдын, шөрас, тэнад ов —
Йөз паметъын тэ пыр на ловъя.

СЕЗОЛОТӨЙ

Мед, дзоляник кō гōгрōс пызан,
Сы пыдди тэчōма зэв кыза
Быд чōскыдторсō Парась тьōт,
Бур пыис лоō код и пōт.

Мам-морт оз эмторъяснас ошйысь,
А пōся корō:— Пиōй, вошйы!
Кōть пыис тувсов лун кодъ том,
Оз зьрт нин кокнас кильчō пом.

Мам сьōлōм гусьōникōн кайтō:
— Кōть ѓтчид аддзывны сēsайтōс...
А сēsся ловъяяслы моз
Винаōн тыртō дзоля доз.

— Кык арōн лолін тэ тшыг пыкысь,
Сэк кияс вылам кувлін кыкысь.
Ен тыш тан гымгис лун и вой...
Лок сэкся пыддиыд кōть сей.

Эн волив лēк кывйōн ме дінō,
Но смеллун тырмōм коланінō:
Со тэнад орден, кык медаль,
Дзор ѓтка мамлы — шог-печаль.

Эн яндысь мамсьыд, муса пиōй,
Зэв бура помнита на сийōс:
Винаяс дорын вōвлін вōй...
А талун ю, сēsōлōтōй!

РӨДВУЖ

Ми янсалім, но тэнад син
Быд воськов менсьым аддзё тась.
А тэнсьыд пось уджаланін
Ме, ассьым моз, пыр видзны дась.

Кор мырсьё пев, тшөтш ыззьё чаль,
Кор өтвыв вөчан, оз су пик.
Стих отсалас мед пуны сталь,
А стальнас медым юргас стих.

Ме — тэныд век, а тэсё — мен,
Тадз өти дозйё чөжим вын.
Кор олөм ради пансис вен,
Тэ кнысь менам ки эз мын.

Наводчикөн ме вөлі кор,
Син пыдди вөлі тэд, бур вок.
А тэ эн вөв кө збой шофёр,
Эз вөв и менам тэрыб кок.

Эг юасьлөй: «Тэ тась-ө-сэсь?»
Од ыдьясьёмысь бур оз чуж.
Ми төдім, оз өд шуны весь:
Сөветскöй рөдвуж — крепыд вуж.

Нель во эз куньлы синсё би,
Нель во эз такавлы гым гор,
Но крепыд вужйысь весиг сі
Эз ор. Көть чишкасьліс — эз ор.

МУСА ПОЭТЛЫ

Мусá! Морт сьөлөмлөн поэт,
Тэ меным торйөн кызкө муса:
Пыр өзъян-ломзян, скөнъ он чусав,
Джаг гөрөд кытшысь мездмөм Муза
Тан ветлө тэнад. Вольнөй свет
Мөд пөрийө кедзвотны оз сет.

Нэм кежлө ёрөм Моабит
Му пырыс муніс миян лөгысь,
Пеж дявөл никтіс — вөрзис гөгыс...
А тэнад сьөлөмлысь пось өгыр
Ас пытшкас иналіс гранит,
И видзө-лелькуйтө — оз жмит.

Ме кыла: ветлө тат и сэт
Палачлы сетчытөм тетрадьыд.
Быд стихысь мортъяммө юр садьыд,
И пины шуө, кылө, батысь:
— Мед көть и тэ он ло поэт,
Но ловнад татшөмөн жө пет!

Көть олөм сёысь вежлас киль,
Но сьөмөс нэмыс сөнөд сылөн.
Тэ сідз жө чужлің кувтөм ылө,
И мунаң ылө на, зэв ылө,
Пыр өтмоз мывкыда и зіль,
Поэт-герой, Муса Джалиль.

КИ ЭГ ЛЭПТОЙ

Да тайё өмөй олём-вылём?!
Со кодкө бөрдө, кодкө сьылө.
И бөрдөдчан, и сьыланкыв
Дзик өттшөтш кылө став му выв.

Бур мелі кыв и сола ёрччөм,
И радейтөм, и лөглун — орччөн,
Отгудыр ставыс. Мый көть кер —
Он өв, кор швачөдчө көрт шер.

Од, збыльысь, тайё өмөй олём,
Кор повтөмлункөд орччөн полём?..
Вай ланьтлөй! Мый көть сэк эз вөв,
Ми ённим, сюсьмим уна пөв.

Да, ыджыд вөлі рытив төлыс!
Эз эськө вен став му выв вөлыс.
А Рөдинакөд өтвыв ми
Эг сетчөй, эгө лэптөй ки.

ВӨЛІ МЕДБӨРҮЯ ЗАЛПҮЯСА ТУЛЫС

Вөлі медбөрүя залпүяса тулыс,
Потіс енэжын медводдза гым.
Ачым пукала пожом пу улын:
Сьөлөм ыркмунлө, бөр лолө пым.

Вөрыс гулыд и джуджыд, и сөстөм,
Мирын нималысь Венаса вөр.
Гашкө, збыльысь, а гашкө, и прөстө
Менам морөсө лолөй оз төр.

Думөн виччыся: петкөдчас Штраус,
Татчөс вөрыслысь ловзьөдас мойд...
Эз, эз Штраус, а локтіс том фрау,
Нөшта джудждөдіс сьөлөмлысь дой.

Нылыс сынөд пыр окыштчөм ыстіс,
Гашкө, вильшасис, гашкө, и эз.
Сөмын мыйлакө пытшкөсам быздіс,
Ори мөд пөрийө тыдавтөм вез.

Мывкыд сувтөдіс синтөммөм лолөс,
Кыдзи поствывса сюсь часөвөй:
«Гортад муслуныд кисьмө и олө,
Тэрмась сы дорө, абу кө йөй!»



Лоны враг водзын куканьён
Абу сьёлөмысь мем.
Верма сёйны и пу паньён,
Сөмын мездлун мед эм.

Миян йөрө кө биасяс
Врагөн ыстөм салдат,
Пёрысь сөнъяса киясам
Кора тшөтш автомат.

Кодкө шуас кө:— Тырмылас!
Вуджөм туйыд зэв кузь;
Воча горёда:— Ныр вылам
Эг на дзикөдз ме усь!

Чайтад, збыльысь нин чездала?
Тадзтө ог на ме шу.
Бытьё ковмас кө, мезда на
Пөрнөй йөзкөд ас му.

Сөмын сиа ме мирыслы
Помтөм шуд да кузь нэм.
Ковтөм тышъяссө киритны
Вывті көсийыссьө мем.

Кызд став бур йөзлөн — сьёлөмөй
Корсьө другьяслысь ки:
Тода, өтвылысь өлөмөн
Өвсяс му сотысь би.

ВЕЖ СОРСА СЛУДА

Овлывлӧны сэтшӧм здукъяс —
Нэмкӧд воча найӧ.
Бунас ӧмӧй коркӧ, другъяс,
Кӧть нин, шуам, тайӧ?

Лов шы лэдзтӧг ас вӧр-ваӧ
Вежавидзиг пыри.
Ачым ог на эскы таӧ,
Сэтчӧдз гажӧй быри!

Шувгӧ парма. Шыыс сылӧ
Менам сьӧлӧм пиын.
Вӧр лэдзисьлӧн олӧм-вылӧм
Бара аслам кийн.

Нырим дзодзув синма врагӧс,
Биӧн оз нин пӧлясь...
Эн, эн яндысь, муса ягӧй,
Аддза, олан гӧля.

Вайлы малышта рой тоштӧ!
Мед кӧть няньыд кача,
Нинӧм вылӧ ми ог воштӧй,
Огӧ воштӧй лача...

Водзын тыдалӧ веж сорса
Джуджыд-джуджыд слуда.
Ачым йӧй моз помся горза:
— Шуда. шуда, шуда!

БУРЪЯС, ЛОКТӨЙ!

Буръяс, локтөй, локтөй-пырөй,
Овмөдчөй став керка тырөн!
Ог ме дөзмы өти войт —
Муса меным тiян койт.

Волывланныд мыйкө шоча:
Локтөй, пета тiлы воча
Любөй часө, любөй здук,
Тiянтөг ме вой ог пук.

Дзирйысь дзирйө восьта өдзөс:
Тi кө танөсь — төв оз көдзөд
Менсьым керка, менсьым лов,
Йирмөг лишнөй здук оз ов.

Тi зэв чигөсь. А вот лөктө
Оз ков корөм, мырдөн локтө.
Ачыс көть тай син ни пель,
Аддзас паз и коряс щель.

Кора пызан сайө, буръяс,
Нуръяссьыштөй, сөстөм юръяс!
Лөклы мясянь — нянь ни пань,
Жөритнысө — петлө, шань!

Ловъя юрөн мынтөмторйөс
Дась ме өшөдны съөд сөрийө.
Коркө пежала кө ки,
Ёна эн жө войпөй тi.

СЯМ ЙЫЛЫСЬ КЫВ

Небыд кывйөн вөдитчыны
Енмыс меным абу шулём.
Медлөк смертыс воас вины —
Сям век коляс чужан мулөн.

Сійө сетіс ассьыс сямсө,
Сыысь он нин пышйы өні.
Вывті небыдсө да рамсө
Татчөс вөръяс өтдортöны.

Менө пармай эз малав
Чорыд кинас юрси ньылыд.
Сылы сэтшөм жö шуд-талан
Сетлём чизыр ывла вылыс.

Мый нö көть и татшөм сямой,
Морöсын өд эм на-й сьолём:
Быд бур йөзкөд волыся ме,
Сямой таысь войт оз өлөд.

Оз шу некод, тэ пö чорыд,
Небыдлун көть ветлө ылі.
Ог пов, юрга быдладорын
Вольём кер моз брунакыліг.

Со тай йөзлы сьылан кыа,
Дыр нин корси подув утсө...
Чужан вөр, эн ланьт, тэ шыав,
Көть ме-й татчө пукта чутсө.

КЫК ОТСӨГ

Отпырйö — кык отсөг...
Босьтны эськö кодсö?
Мöвпыштлины колö.
— Колö! — кайтö лолöй.

Первойяыс — сьöма,
Зарни чургöдöма.
Зэв кöть ыштöдана,
Аддза нин — кык бана.

Босьтан — нэмыд кезъяв.
Гуся, мустöм везъяс,
Он и тöдлы, гартас.
Ог босьт — киас варта!

Скөнъ оз дзирдав мöдыс,
Сы пыдди — бур рöдысь.
Банладор и гугыс
Сылөн öткодь югид.

Зарниөн оз ышöд,
Оз сет озыр кышöд.
Немся водзöс кортöг
Вöчас тыр-бур мортөн.

Сьөлөм гурйыв восьта,
Сэтчö сййöс босьта.
Тöда, татшöм отсөг
Тэчö олөм подсö.

ПӨРЫСЬ СТОЛЯР

Ок и сьёкыд столяритны!
Лун оз прөйдит, оз кō видны.
Нем кōть кийывсөн ог вōч,
Мыжтō аддзас менам пōч.

Дыдгō: нюв пō, нюв дивантō!
Первой другтō, Дзор Ивантō
Он пō, майбыр, дьōбō коль —
Гашкō, вōчан пу престол?

Оддзас, дольны кутас ассъыс:
Кутшōм друг пō тэд Юсь Васъыс?
Аддзысьōм пō бур сусед,
Сетін улōс — дон ни мед!

Кыз пō тэ вылō он дōзмы,
Аслыд нинōм, ставсō йōзлы.
Выживмин пō, ок-ок-ок!
Быдōн тэныд друг да вок...

Месō дзик мōд думōн ола:
Аддза, войтырыслы кола.
Ловъя мортлы эг кō ков,
Сизимдасōдз эг жō ов.

Удж ог эновт. Мед сэн эльтō!
Татшōм здукъясас ме пельтōм.
Ог сэк велав вор ни ком,
Пельтōммыла да и — пом.

ВОСЬКОВ БОРСЯ ВОСЬКОВ

Воськов воськов дінө содө,
Муна, кодыр мунсьö!
Тадзсö суöда ме кодöс?
Дерт жö, медбур лунсö.

Кöсийöмыд мöй коркö пöтлас!
Бурсö, туянторсö
Пыр тай вемöснас и вöтнас
Из куд улысь корсьö.

Мекöд мурталö быд воськов
Мустафа Бакуысь.
Шудсö — лишнöй кыв тан оз ков —
Аддзис менам муысь.

Чужан муöй нач сё кывъя.
Вöли кö важ барин,
Йöймис, дерт, кор босьтис сывъяс
Рочьясöс татарин.

Сывъясьöмсö эновтламöй,
Мöдiм, мöдiм, вокъяс!
Ставныд тöдад, мыйла мамöй
Сетис мем ён кокъяс.

Мунам, корсям гуся пазсö,
Торкам мулысь унсö.
Перьям питшöгсьыс алмазсö,
Тшöтщ и медбур лунсö.

ДРУГАСЬОМ

Морт олөмыд быдлао нуло:
Звирк кыпөдлө, бөр лэдвлө улө,
Көть стрөг зэв, но аддзан кө другөс,
Пыр нюммунас, шудтө оз жугөд.
Та ради ас му вомөн ми,
Эг ыдъясьөй, нюжөдiм ки.

Ме олөмлысь тшөктөмсө кыла,
И компастөг муна, ог ылав.
Казбекөдз эг волю, а сьөлөм
Из сакляад гөститө, вөлөм.
А лов тэнад писькөс и том,
Тась корсьөма менсьым вөр чом.

Кор пасьталiн тулан ку пасьтө,
Здук кежлө тэ вунөдлiн асьтө,
А думыд сэк гөнитлiс татчөдз,
Бур вөчысьөс сьөлөм тшөтш аддзө.
И син сайын,— дерт, тайө мем—
Тэ шоныда сиин кузь нэм.

Ме кыйсигтыр вынсялi-кисьми,
Но өтчид нем виччысьтөг висьми:
Тэ чөсмөдлiн менө лимонөн,
И бөр лои важ дорсьыс ёнөн.
Лекарствоыд, дружба кодь бур,
Збыль, вөлөмкө, некысь оз сюр.

ВОКЪЯС

Ме веськалі Балканъясö,
Кор вокöс мездіс вок.
Сусед суседкöд панъясьö:
— Бур вок, ме ордö лок!

Яр шондісö быть прöститі,
Сэн быдөн сы кодь пöсь.
Ме мозыс эз на гöститлы
Ни öти ыджыд гöсть.

Пöсь дружба изйö йиджöма,
Он, вөрöг, сійöс ви!
Быд крежö кодкö гижöма
Кык кыв: «Добро дошли!»

Мед гаравлі көть сёьсь нин —
Оз нитшсяв сэкся бур,
Кор асьныс татчö воисны,
Эз янды-й менам юр.

Веж сывсö налы паськөдіс
Лöз Мозын дорса яг,
А другным вайис аскöдыс
Болгарскöй мулысь флаг.

Болгарин-вок, ой, уджалысь!
И коми абу няр.
Ми костын кузь пос нюжаліс:
София — Сыктывкар.

Мед лёк морт увтчас-кулитчас,
Оз имит тайӧ мем,
Кор Дружба нима улича
Быд карын öнi эм.

КОСИОМ

Сё дивё тай: ракета вывсянь
Ме аддзи муысь сись вуж додь,
Со сысянь матын лажмыд пывсян,
Сьод пывсян сэн — сардырся кодь.

Мый та вылө тэ шуан, Муой?
Нэм джынийö сюйсисны кык кад...
И бара выльтор, дзик выль юөр:
Ен тупкөм ассъыс рай и ад.

Зэв тайö бур. Но вывті мустөм:
Войналөн гымалö на ен.
Кад көртвомавны сійöс, трустöс,
Көрт морöс шöрас лыйны — дзен!

Морт öблик воштысь йöзыс эм на,
Скөнъ налөн вежөрныс оз сод.
Дзик быдтор аддзылан тай нэмнад:
Йой кось и мирной луноход.

Нэм джын, а орччөн кык эпоха,
Неммиритчйтөмось кык мир.
Ме чайта, важыс дыр оз лёкав,
Сись сöнын дугдас ворсны вир.

Сэк горöдам:— Эй, марсиана!
Тан оз нин некод косясь, оз.
Вай тiянкөд тшöтш дружба панам
И кутам овны другъяс моз.

АС МУЛОН ПАСЪЯС

Сикт гөгөр гижтөма веж джу
Дзор пармалон вортасыс.
Да тайо жо ас чужан му,
Ас мулон тодса пасыс.

Но талун ог нин эскы, ог,
Мый татшом чужаниной.
Пыр кезйодло и лоло шог,
Кор кодко важас сино.

Весь төрмом мегырто эн син!
Од карьясын и расын
Скөнъ лыдтом син — электро син:
Со чужан мулон пасыс!

Ой, дивъя, дивъя овны тадз!
Пес дино ки он пуктив:
Став сыктывкарсаяслысь пач
Кыв шутог ломто Вуктыл.

Машина пыдди важ купеч
Пыр вайлис симом перна.
А талун аддза тась и сась
Му вый тыра цистерна.

Важ джуас чужан му оз тор,
Быть паськод сылысь джусо.
Выль паса бияссо веж вөр
Ни вой, ни лун оз кусод.

МУЗА ЧУКСАЛІС ӨТЧЫД

Муза чуксаліс өтчыд,
Шуис:— Тэ кө поэт,
Шонді бөрсяыс вөтчы,
Кутан лэбавны сэт.

Йөзыс шулөмны коркө:
Медся чөскыд пө ун.
Шуөмторсө көть торкан,
Войт эн падъяв, а мун!

Сьывны асывлы гимнсө
Мекөд өтлаын пет.
Медбур луныслы нимсө
Медся мичасө сет...

Восьтіс өдзөссө асыв
Локтысь луныслы — гув!
Сэк ме ловзьи́лі дасысь,
Быть өд унмыдлы кув.

Сөмын некор ог бөрийысь,
Кутшөм лун медся бур.
Кадлөн абу көть ньөрийыс,
Вөтлө. Сыкөд он дур.

Уджө самасис сьөлөм,
Эз судз шондіөдз борд.
Ставыс сы сайын вөлөм,
Мый ме муывивса морт.



Чомөр сёйны ме ог мун,
Овсьой, весьшөрö эн корöй.
Аддзад, кыпыд уджа лун
Локтö ылісянь ме дорö?

Тöда, некод кыв оз вудж —
Чомöрсö öд перйим асьным.
Топаліс кö öти удж,
Чайтад, позьö-й чомöрасьны?

Сёян чомөр — сідзкö, пом,
Тувсов кадыд кості тöлас.
Месö, абу нин кöть том,
Варчыла на мöдлапöлас.

Эновтлам вай чомөр доз.
Бурджык — туйсö томлы сетам,
Коді аски миян моз
Уджсö мыркны татчö петас.

Менсьым чомөрöс оз сёй,
Том морт меысь унджык пуас.
Ковтöм кывъяс ме ог кой,
Водзвылысь кö аттьö шуа.

МЕМ СЭНІ ОКОТА НА ОВНЫ

Мем сәні окота на овны,
Көн дзикөдз сөстөммас морт ловным,
Көн завидьтөмысь мездмөм син
Оз кут нин корсыны ыджыд чир

Зэв окота на мунны сэтчөдз,
Көн мортыс оз төд усьөм-чеччөм,
Көн ас дор зільысь дурмөм юр
Мөд мортос оз нин гусьон пур

Мем сәні овны окота на,
Көн некод дзик оз ло кык бана,
Көн мортлөн көсйөм, шуөм кыв
Оз некор бакшась ни оз сыв.

Мем сәні окота на овны,
Көн суклясьөмысь оз ков повны,
Көн туйсө помөдз воштас лөж,
Кор сылысь тальыштасны бөж.

Мем сәні овны окота на,
Көн ёртыс ёрт вөсна оз янав,
Көн өтвесьтынөсь выв и ув...
Ме көсья, сэтчөдз мед ог кув.

Мед кувсяс первой бөрья нювсьысь,
Сы водз вылын ме ог, ог кувсьы.
Коть коммунистос ен оз видз,
Но көсья, медым лоас сідз.



Бурсиа тэд шондї бердсянь,
Кодзувъяса эрдсянь,
Век мед олас налөн дзирдас
Бур сөвет да, мир да.

Тэныд бурсиа ме вөрсянь,
Ялаа яг шөрсянь,
Сиа вөрса пуыс судта
Кыпыдлун да, шуд да.

Төв-поз-излөн сигөр йывсянь,
Сабля гөра вывсянь
Сиа налөн мыгөр джуджда
Сямлун да, бур удж да.

Тэныд бурсиа ме васянь,
Ылісянь и тасянь,
Сиа саридз ваыс мында
Ен эбөс да, вын да.

Ещө ас мусянь ме сиа —
Пежторъяссө виав,
Мед тэ нэмыд ас му мозыд
Ловнад лоан озыр.

МЕДСЯ ПРАМОЙ

Джөм, джуджыд керөс. Лөкчим ю.
А керөс йылас — мамлөн гу.
Мем тайо местаыс медвежа,
И вежавидзиг сэтчө кежа.

Дас кык на сэки вөлі мем,
Кор татчө дзебсис мамлөн нэм.
Ми сыкөд висим быдса тулыс,
Ме со эг кув, а сійо куліс.

Водз асыв локта көть рытсёр —
Пыр чужо тан казтылантор:
То гажыс восьтылас лист боксө,
То сьолөм гарыштлас важ шогсө.

Со өти серпас: ыджыд чой
Мем кыськө вайис нөгыль сөй.
Ме сөйсө виччыси зэв дыр нин,
И пыр жө босьтчи вөчны гырнич.

Дыр мысти артмис лөсьыд доз!
Сэк мыйкө чеччалі чирк моз —
Дзик первой радлун вайи аслым,
И чайті, тшөтш жө-й гырысьяслы.

Бать босьтліс киас, сетіс дон:
— Сөймонь тэ, а ме чайтлі зон!
Эк! Аддзөмыд ошйысянтортө...
Да, ме жө быдта кыйсьысь мортөс!

И виччыся, мый шуас мам...
Эз бать моз менсьым донъяв сям —
Сей дозийос пачын ожигайтис,
Став светсьыс ошкан кывсö кайтис...

Кызд янсöдчигөн мамлы пи,
Гу вывлань мыччи веськыд ки,
Зав пöся шуи:— Прöстит, мамöй,
Тэ меным век на медся прамöй.

КЫЛОДЧОМ

Мый нө, майбырөй, лөнъ дырйи-д
Исковтөдны пуртө.

Узян кызди гортса жырийн,
Он көть лэптыв юртө.

Менө суис скөр поводдя —
Вой төв чашйис юсө.
Он кө ставнас вынтө доддяв,
Сьөкыд пай тэд усьө.

Час дай мөдөс помся сына,
Греблысь бөрдөм кыла.
Төлыс сө пөв меысь вына,
Зырө лыа вылас.

Тан эг сетчы. Водзын — полой
Төлыс сылань нбылыд.
Бара венө пырны колө,
Пурйөс мед оз нбылышт.

Вын эз тырмы. Полой нырдө
Төлыс пурйөс вартіс:
Полой сійөс кыскис мырдөн,
Сыктыв аслань няртіс.

Ормөн зэлаліс джаг гөрөд:
Кодыс венас кодсө?
Сыктыв юлы ме да вөрөт
Лунтыр сетім отсөг...

Важсö гарышті со тайöс,
Вöйпöй көть ті энö —
Мортлы-й öнi шудсö вайö
Сьöкыдлуньяс венöм.

Мини мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ

Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ

Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ
Мундэ мундэ мундэ мундэ

ОВСЫ, ДРУГО, ОВСЫ

Овсы! Менам нимлун ради
Эн вай лэпты ковтѳм звѳн.
Висьтав, эм кѳ юрад садьыд,
Мыйѳн нимавлі и кѳн?
Кыдзи ангельясѳс важ йѳз,
Эн жѳ лэпты кѳть енджаджйѳ.
Ассыс бѳръя лунъяс сэн
Мед нин ѳтнас ружтас ен.

Квайт дас ар пѳ... Ыджыдтор тай!
Сѳмын во лыдыс и эм.
Эг кѳ вѳвлы — ассыс сѳртас
Тадз жѳ вуджис кызьѳд нэм.
Революция эг вѳчлы.
Мый ме вѳчлі? Гѳрлі-кѳдзлі.
Ещѳ, помнитсѳ кыдз мем,
Лэчъяс октавлі жѳ кѳчлы,
Быть ѳд сѳянтортѳ кый!
Тайѳ подвиг али мый?

Сйѳ абу на жѳ кѳзыр,
Мый ме шпалъяс лѳслі тан.
Аддзѳмыд пѳ, — шуас йѳзыс, —
Ошкантортѳ — шондїбан!
Фронтсянь вермысьѳн кѳ вои,
Чайтан, ме и эм геройыс?
Код нѳ тэныд эскас, код?
Врагѳс вермысьыс — народ!

Юмов сёрнитö вай помав,
Менö тöлк вылысь эн дзуг.
Немсыс ошкан да, быть вомав,
Кöть тэ-й менам матыс друг.
Эн, эн ыдждöдлы поэтöн!
Оз нин нюм, а бöрдöм петö:
Кывбуръясын — мич ни сер.
Жаль, мый воштi лэчyd чер.

КОДЫР МИРЫН КӨНКӨ ЗЫКА

Кодыр мирын көнкө зыка,
Кывзысигөн лолөс пыка:
Мед быд шылысь кывны горсө,
Коді кодарланьё ворсө.
Кыла кө лөж меліасьём,
Сэки колө лоны дасьён
Чорыдлунысь видзны асьтө,—
Чайта, бурджык лоас тадзтө.
«Быдөн ас вылас көзяин»,—
Шулывлөны саридз сайын.
Видзөдан да, тадзсө шуысь
Ыджыдалө нин йөз муын.
Оти думөн шула эськө:
«Сэтчөдз төждлунтө эн веськөд,
Мый тэд майшасьны ас кежысь?
Рөдиналөн крепыд крежыс».
«Лёкыс матын көть мед ылын,
Век жө миян му шар ылын.
Керкатор он видз пөжарысь,
Вермас сотчыны став карыс.
Вельмөмьясөс повтөг сувтөд!
И не сөмын өшинь увтө,
Видз тшөтш тэ и карта сайтө»,—
Тадзи мөд дум меным кайтө.
Катласьё на мирлөн утыс.
Тэ кө збыльысь олөм кутысь,
Лөктор мед эз су, эз вөтөд,
Ассьыд пороктө эн көтөд.



Пөшти быд лэбач зэв сылысь,
Гольгана кыв-вора.
Чайта, гижан кӧ на йылысь,
Кывбур лоас гора.

Муні вӧрӧ. Эм нин тема.
Кыла сё ног чипсӧм.
Ставыс бур. А вот проблема:
Корсьны прототипсӧ!

Рака сьӧлӧмсяньыс кравзӧ.
Адӧй, кырныш ыжда!
Сылысь артышти ме ставсӧ,
Эг босьт — горш да, дыш да.

Со и тивзӧ кылӧ кеня;
Бес мед сійӧс лыйӧ!
Сы вылӧ эм ыджыд пеня —
Йӧзлысь лэчъяс кыйӧ.

Камгӧ сизь. Мем кывбур визьӧ
Босьтны гажӧй петӧ.
Босьта кӧть, но уджач сизьӧс
Сизьдӱсны нин метӧг.

Сэн на, вӧрас, бур мӧвп чужи:
Мыйӧн вои гортӧ,
Гижан темаӧн бӧр вуджи
Лэбачьяссиянь мортӧ.



Суседлөн өдзөс өти паса,
Көть лун, көть вой — век роска таса,
А мукөд дырйи овлө-й зыр,
Дерт, сы могысь, мед морт оз пыр.

Өд бура аддзан — гортас ачыс,
Трубаөд тшынсө вөтлө пачыс.
Збыль тадз! Но пос помсянь быть кос,
Кор туйтө виджадалө рос.

Йөз муөдз коркө ачыс волөм,
А орччөн олысь мортысь полө.
Туй морт кө вөзйыяс — ой, ой!
Оз лэдз. И ачыс оз узь вой.

Кыз тадзсө тiравны оз дышөд,
Быд мортөс өмөй чайтө шышөн?
Збыль эм мөй сэтшөм озырлун,
Мый ради чашйө ассъыс ун?

Ой, висьөм тайө, сьөкыд висьөм!
Пыр ловъя нисьө, кулөм нисьө
Ас кышас йөршитчөм горш лов.
Оз, татшөм йөй олөм оз ков.

Ог узь и ачим мыйкө вой-мөд,
Суседөй вөсна сьөлөм доймө.
Кор орччөн татшөм йөйыс эм,
Тшөтш кызкө абу лөсьыд мем.

МЕД МИЧА, БУР МӨВП СЕТНЫ ТЭД

Мед мича, бур мөвп сетны тэд,
Ме өти визьод муні дасысь,
Но мөвплөн эз на чуж вирпасыс,
И век на сійө важ кодь блед...

Дыр пуис вем, эз куньсьыв син,
Со мөвпын вуджрасьö нин серпас,
А серпас вылас быттьö керка,
Көн тэнад югид оланін.

Ме видзөдлі, мый вөчсьö сэн.
Тэ ордö пыри чига-чига,
Тэ лыддян кывбуръяса книга
Эв гораа, тшөтш быттьö-й мен.

Вот тайö збыль вылө поэт!
Мойдвывса дивö кодь кыв-ворыс,
И мөвпыс джуджыд мелөн дорысь —
Кыз татчö ышлолыд оз пет!

Көть ышловзи, но эз усь лов,
Од вирөй пось на, эз на йизьы.
Ог лэдз, ог лэдз, мед кывбур визьын
Эз мыччысь сійö, мый оз ков!

А сэк, кор дзикөдз муна тась,
Тэ корсьлы кывбур визьяс костысь:
Эз өмөй өти көть сэн поздысь
Пось сьөлөмлөн, бур мөвплөн пас?

ПИЩАЛЬ

Ой, пиццаль, пиццаль, дона ёртöй!
Тэ водзын менам ыджыд грек.
Ог некор нуодлы нин сёрдö:
Горт олысьяс ми тэкöд век.

Ним коркö кыкнаннымлөн вöлі,
Яг шöрын шыалана ним.
А öнi мян ылö сölis
Да нем жалиттöг сёйö сiм.

Тэ менам кывъясысь эн повззы.
Мый керан — тайö збыльысь сiдз:
Ни тэд, ни мем ен оз нин ловззы —
Век кежлö пуксис ыджыдвидз.

Ми горт олам, а кадыс мунö:
Лякбаддён бурдiс чöс туй визь;
Мем кыкнан кокö пöрысьлунöй
Кöрт көвйөн көрталiс сьöд из.

Ме эськö важөн нин зэв силi
Кык нэмлысь тэныд юкны шуд:
Бур ёртөн тшöтш мед лоин пилы...
Но лыйтöм пöткатö он кут.

Фронт ылысь, мися, пийöй воас...
А усъысьыд оз, вöлöм, во.
Ме тэнсьыд шогтö гөгөрвоа,
И тэ тшöтш менсьым гөгөрво.

ВЫЛЬ ЧУЖЫСЬЛЫ

Тэ талун локтін нин роддомысь,
А, сідзкө, вуджин дзось туй кост.
Морт коркө лоас на тэ помысь,
Дерт, лоас! Сытөг төлк оз босьт.

Но мый нө чукрасян, детина?
Эн маитчы, а ов да ов.
Семья көть ыджыд, тэ тшөтш инан,
И аддзан удж, кыз корас лов.

БУР ТУЙ ТЭД, ЛЫШКЫД БАГАТЫР!

Сэзь лунö — кельыдлөз эмаль,
А бушкала кö, лэптан еджыд бурысь,
Тэ овлан ворсöдчысь и нарта дурысь.
Дерт, ставсьыс таысь унджык бурыс,
Од тэнад нималö быд чаль.
Сы вöсна-й вöйпны тэнö жаль.

Тэ вына ю, тэ багатыр.
Мед кöть и тадз, ме вöйпи эськö,
Мильонъяс кубöн вөр эн лэдз кö,
Туй визьтö бурлань эн кö веськöд,
Ок, вöйпи эськö дыр на, дыр,
Кын, кöдзыд ловтö ёригтыр.

А талун тэ медшоныд ю,
И, позьö шуны, кыпид гора,
Из шом бассейна дзор Печора,
Тэ талун медся том кыв-вора.
Оз прöста став сöветскöй му
Выль жемчуг юөн тэнö шу.

Зэв радейта и кывза пыр
Збой, тэрыб суднояслысь койтöм,
Мем муса зэв нефть кöра вой төв,
Став гыркöй нимкодълунөн ойдö,
И шуа синмад дзоргигтыр:
— Бур туй тэд, лышкыд багатыр!

Йой арлыднад тай кокныдасьлан,
 Став правдаыс сэк сөмын аслад,
 Тә өтнад сөстөм, өтнад ен,
 Дзик немсыйс панан ыръян вен.

Ме вөлі бригадир — ус-тоштөм,
 А председатель матө воштө:
 Эн узь пө, няньтө войнас варт!
 Ак, шуа, ёна жө тә нарт.

Вир петтөдз сәсся вензи өтчид,
 Став вөлөсть тырнас горзі:— Ньөтчид,
 Дзик ньөтчид татчө бөр ог лок!
 И сиктысь пышйи лөксыйс лөк.

Том сьөлөмөс, дерт, дойдны дойді,
 Но эз ло сідз, кызд мойдсьө мойдын,
 Эг вудж ме өкмыс му ни ва —
 Кок бөрө тальыштіс война...

Из нопсө нель во кыски сылысь.
 Со шонді нюмуніс нин выльысь,
 И сылы воча нюмдіс мир,
 А менам век на пессьө вир.

Ой, сьөлөм! Лолөмыд тай кыськө...
 Ас сиктө кыскөмөн и кыскө.
 Но сэтчө кокныда он кос,
 Кысь ачид коркө жуглін пос.

Сө смертьлысь ыршасьөмсө вені,
 А өні ещө сьөкыд меным:
 Тә, мися, көні шөйтан, смерть,
 Мый меным паныдөн он пет?

ЛЫДПАСЪЯС ЙЫЛЫСЬ

«Эк ті, лыдпасъяс, кос жельяс!
Тіысь радейтчөм он кы.
Сөмын съөдмөданныд пельяс,
Онө лэдзлөй мелі шы».
Тадз ме вөйпсбылі, а натөг
Нем оз артмы, вөлөм, татөн,
Тайөс казялі ме кор,
Сувті лыдпасъясладор.

Со тай лыдпасъясыс ыылө
Вой-вой дзоргө инженер,
Лолыс артасьө и сьылө,
Сьылө налысь мич и сер.
Тэчө планъяс, тэчө смета,
Видзөдан да, кар сәсь петас.
Сәссия-й кылас улич ыв
Выль кар йылысь сьыланкыв.

Олөм серсө лыдпасъясөн
Төдмавлөма-й миян вождь.
Лыдпасъясыс серти пасйөм
Сәкся кадлысь быд туй вож.
Лыдпасъясыд индалөны,
Лөкыс вужьясьөма көні.
Найө-й өні миян тан —
Олөмнымлөн рөмпөштан.

ТАТШӨМЫС ДЗИК ÖТИ НА

Яр кодзувъяслөн мойд кодь кытшын,
Ме ног кө, Мулөн пай медыджыд:
Öд миян дзор планета
Морт рөдсө чужтіс светас.

Нач тасянь петіс мортлөн рөдыс,
Но тайö öти шуд. А мөдыс?
Мөд шуд, мый Му выв мортыс
Став олан туйяс сёртіс.

И мортсянь чужисны народьяс,
Ас муяс лөсьөдісны кодьяс.
А талун нин сё саяс
Планетаса странаяс.

Зэв бур, мый чужсьылöма тані,
Көн Ленин выль Му восьтіс-паніс.
А тайö шудыс — коймөд,
Морт сьөлөм мыйысь збоймө.

И öні на со збоймөм лола
Пыр тані уджала да ола.
Лов серти татчөс сынөд,
И синмөс нем оз тшынөд.

Мем век Сөветъяслөн странаыс
Тан лоас медся туянаыс:
Öд татшөмыс дзик öти на —
Дзик öти менам Рөдина.

ОВЛО — СЬОЛӨМ СЬОДАСЬЛЫВЛО

Овлө — сьөлөм сьодасьлывлө,
Кодкө быттё кисьтас са.
Мыйён мыськан? Гашкө, нывлөн
Сюрас бурдөдчан сөдз ва?
Татшөм здукас мелі шыяс
Кысь мый веськалө ме кыя.
Пöрысьман да йөйман он?
Век на чайтсьө, мый ме зон.

Немла гаравны, дерт, нывсө...
Кутшөм али нин мем ныв,
Кор нин смертьлөн локтөм кывсьө,
Кор мем сетсьө бөрья кыв.
Сөмын дөзмыла на сэтчө:
«Бөрья кыв пө өд со сетсьө!»
Пуксьыла кө эбөсвив —
Петкөдла на бөрья кыв!

Пета, йөзыс бөрся вөтча,
Аддза налысь гажа койт.
Төждлун чужөманыс төдчө,
Шоглун некөн абу войт.
Налөн зумыдлунысь, мичысь
Сьөлөм вылын бөр нин личыд:
Мыйла сійө лоліс сьөд,
Онi ачым нин ог төд.

КОМИ КНИГАЛЫ

Бур лун, бур шуд тэд, коми книга!
Нэм джынйысь дыр нин другъяс ми.
Тэ пасъин пемыдлунлысь иган,
Выль кадлысь пестін югыд би.

Ми тэкӧд олӧм тэчны петім,
Эз лигышмунлы зумыд сой,
И ыджыд уджын сьӧлӧм сетіс
Тэ ордӧ овмӧдчӧм герой.

Быд пӧльлысь внукӧс, батьлысь пиӧс,
Кор налы тырӧ сизим ар,
Мам моз жӧ кутӧ мелі киӧн,
Кузь туйӧ петкӧдӧ «Букварь».

А сӧсся кыпыда ас кывйӧн
Тэ налы восьтан паськыд мир,
Мед кодзувъясӧс босьтны сывйӧ,
Мед океанлысь венны йир.

Тэ вайин татчӧ «Шонді югӧр»,
И пышйис Комиысь сьӧд вой.
Век кежлӧ сӧксянь лоин другӧн,
Роч книгаяслӧн ичӧт чой.

Тэд таысь копыр, медпӧсь чолӧм,
Быд лыддысьысьсянь аттьӧ кыв.
Нэм бӧрся нэм пыр югдӧд олӧм,
Йӧз шудлун вылӧ ов да выв!

СЬОЛӨМЪЯСЛОН ЙИТӨД

Чөрт, гашкө нө, ликтис —
Выль веськөдлысь воис.
И уналөн сиктын
Эз узьсы сэк войыс.

Мөд асывнас чеччи
Да кыла быд вомысь:
— Мый чөртла ми сетчим?
— Ой, кысь нө «джыдж» помысь!

А сійө, кыз шусьö,
Пыр доддяліс кадсö,
И шамыртис сюся
Удж нуодан ладсö.

Оз шенасьлы киөн,
Оз лэптывлы гөлөс,
Но лов шытөг сійөс
Тан кывзö дзонь вөлөсть.

Бур войтыр дор тадзи
Став сьөлөмнас сетчис.
Йёз сьөлөмысь ачыс
Эз, зонманой, лэдзчысь.

И видзөд жö, видзөд,
Кыз мортъяммис «джыджыд»!
Коть ачыс и ичöt,
А мывкыдыс ыджыд.

СӨВЕСТЬ МЕНӨ ЙИРӨ

Паськыд менам ывла —
Йёзыс бурсьыс бурось.
Пёчолань и нывлань
Копыртыштла юрös.

Вөйпантор ог казаяв,
Сөмын — ошканторсö.
— Шапка пельтö разяв!—
Пытшсянь кодкö горзö.—

Кылан, лёкыс эльтö:
Гижысьыс пö пельтöм?
Со тай! Кывзы сюся,
Кок йывсьыд эн усь-а.

Збыль тай лёкыс броткö,
Став бур думös торкö.
Кодкö вылö кодкö
Герчкö: «Сюрлан коркö!»

Лёклы мөд лёк паныд:
«Чега сьылдзиртö!»
Збыль тай, мися, тани
Тшыкөдасны виртö...

Морös пытшкын бара
Кодкö вөрöшитчö.
Бара важсьыс яра
Ме вылö со видчö:

— Паськыд тэныд ывла —
Быдтор сэтчө төрө.
Сэтшөм кывъяс кывлан —
Лолыд весьөпөрө!

Кывлін, да эн вомав,
Ещө-й шусян мортөн!
Вомсьыд мустөм томан
Пыр жө шыбит сёрдөдз!..

Гөгөрвоис сьөлөм:
Сөвесь менө йирө...
Мыйла ме эг өлөд,
Скөралө тшөтш вирөй.

ЭН, ЭН ВӨРӨД!

Эн, эн вөрөд визув шорсө,
Ме моз радейт, а эн кырөд.
Сэни менам кымын ворсөм!
Сэни менам ичөт дырөй.

Со и ёль. Тэд бара доля:
Скөнъ эн гудырт сэсь сөдз васө!
Менам сэни, джуджыд ёляс,
Шогысь бөрдлөм синваясөй.

Эн жө-й нетшкы видз выв дзоридз
Маон өвтысь гожся лунө.
Вешы ылөджык сы дорысь,
Сийө менам долыдлунөй.

Мича кузь чышъян эн лякөсьт,
Сийө — паметь мамөй кузя.
Дона мамлы эн вөч пакөсть,
Мед нин лөня-лөня узяс.

Вешы сэсь, эн вошты садьөс!
Эн, эн гөрышт джуджыд нөрыс.
Сэни куйлө менам батьөй,
Коді кувтөдзыс пыр гөрис.

Колльон сьөктаммөм сус пусө,
Вежыд петө көть, эн пөрөд!
Тайө сус улас, кыз шусьө,
Менам муслунлөн пөсь гөрөд.

МЫЙЛА МЕ СЭТШӨМ?

Немсыыс гөрдөдлывлө бандзиб.
Мыйла? Ог төд ачым.
Сэтчөдз өдөлитлас яндзим,
Быттьө сотча пачын.

Весиг арся кынмөм петшөр
Мукөд дырйи сотө.
Мыйла нө ме эськө сэтшөм —
Ола векныд отөн?

Быттьө кодкө водзын мыжа:
Ва кө вуджны ковмас,
Медся бөрын пыра пыжас
Вежавидзысь ловнам.

Уна пөрийө вөвлі сідзи:
Чөскыд ырөш пуа,
Бара жө и вежавидзиг
Пыдөссө нин юа.

Тадзнад тадз, а ковтыстөмөс
Изала и ёра.
Сэк жө пөрчча бөръя көмөс,
Көмтөм морт кө корас.

Кодлысь юасьнысө мөдан,
Мыйла татшөм этшөй?
Ог нин юась. Өні төда,
Ачым, ачым сэтшөм.

СУВЕНИРЪЯС

Мый вöчан — овлө-й сэтшөм здук,
Кор öтласьлөны вөт и вемөс.
Збыль сэтшөм здукъясыс öд эмөсь,
Ме найөс төдлі нин ас нэмө,
Кызд öтчюд — лыдсө кө эг дзуг —
Сө муысь воисны сө друг.

Көть кадыс вөлі төв шөр төв,
Пыр менам пөсьмуні став вир-яй.
Кор öшинь улысь восьті дзирья,
Быд кыысь аддзи сувениръяс:
Со зарни бисерьяса ньөв...
Да мыйыс сөмын сэн эз вөв!

И кыліс саблялөн сөдз звөн —
Кавказса козин Хас Булатсянь.
А кодкө кайтө:— Татчань, татчань!
Быть чуймы, татшөмтор кө аддзан,
Ме горөді:— Тэ, енмөй, көн?..
Индеец вайөм быдса слөн!

И вөчлі жө ме сәки пир!
Вой саридз мында юим сурсө,
Сө көрлысь налы сеті сюрсө,
Быд гөстьлы сии ме быд бурсө:
— Мед олас медбур сувенир —
Став му выв войтыр костын мир!



Эн чэйт, мый тэ кӧ лэдзан вӧр,
Став уджсьыс тэнад уджыд сьӧд.
Босьт татшӧм мӧвпъястӧ, босьт бӧр
Да асьтӧ нетшкыны эн мӧд.

Мед эм кӧ мӧдлӧн ыджыд чин,
Мед вӧчӧ сийӧ еджыд удж.
Эн завидьлунӧн ӧзты син —
Лӧж завидьлунлӧн гӧгйыс руш.

А ме тай скӧнь ог вежав, ог:
Быд мортлӧн кутшӧмкӧ да сям
Дерт, дӧзмывла жӧ, ӧти ног,
А мӧд ног овла рамсьыс рам.

Да, кыскывліс жӧ енэж от,
Дыр мыйкӧ думӧй корсис сясь.
Кӧть меысь эз тай пет пилот,
Но таысь ачымӧс ог пес.

Дзик быдӧн вуджӧ ассъыс кӧдж,
Эн маитчы, а уджтӧ кер.
Кер бунтъяс костын чужлӧ тшӧтш
Поэзиялӧн мича сер.

Не вӧчны-й мем став кӧсийӧмтор.
Кӧть найӧс вӧчтӧг кусас нэм.
Но век жӧ нимкодьясьла, кор
Бур кӧсийӧмторйыс менам эм.

БАТЬЛОН ВИСЬТЫСЬ

«Том дырйи полөмтө он кыв...
Сэк сөмын казялі, мый пюлысь,
Кор джугіс менсьым пельпом выв
Йөз муө мунан ноплөн «вблыс.

Ас му кө эновтан, быть пов:
Сэн лоан быдөнлы мөд рөдысь,
Гаж бырөм виас тэнсьыд лов,
И оз сюр бөрсө мортъяммөдысь».

Тан вайөді ме бательсь висьт,
Но эг, дерт, ставнас помөдз вайөд.
Роч муын сөвмөм коммунист,
Бур батьөй, шудсө татчө вайөм.

Сэк комияслөн көсийөмтор
Стөч збыльмис, инасис вөй сьөлөм,
Герб вылө кыпөдчисны кор
Ёсь йыла чарла да ён мөлөт.

Бать кувсис. Месө код и пөт,
Пыр йывмис гөльдунислөн адас,
Ог вөтав бательсь важъя вөт,
Көн эмнас вышитчө Канада.

А сідзкө мыйла мунны мем
Дас саридз сайө зарниясла?
Пыр шула тай: мый эмыс эм,
Ас муыд, кутшөм көть, век аслад.

КОМИ КНИГА ЙЫЛЫСЬ БАЛЛАДА

Тайӧ — важсятор нин,
Важсятор, а — выль.
Другъяс, тайӧ сёрни
Век на выль и збыль.

Петас коми книга,
Корсьӧ аслыс туй.
Недруг гольскас иган:
Эн пӧ ныртӧ суй!

Оз тай педз сы дыра,
Оз порогсӧ нирт —
Ӧчередьтӧг пырас
Магазинӧ спирт.

Йӧйталӧ да ворсӧ:
Спиртлӧн чин оз чин.
Предсельпо сэн горзӧ:
— Книга скӧнь оз ин!

Сэк жӧ Висер вожын
Йӧзыс жуглӧ юр:
Коми книга во джын
Корсям, но оз сюр.

Воліс пӧ Поповлӧн
Щугӧр сиктса зон...
Тадзсӧ шоча овлӧ,
Эсканныд кӧть он...

Бур библиотека
Ыджыдвидзын эм.
— Абу-ө тә лекарь?—
Шуены сән мем.—

Коньөр Виттор висьö,
Бонзьöм кыкнан бок.
Шогсьö сикт, став Висер —
Делöыс зэв лөк...

Шойнатыö лэччис
Ыджыдвидзса ань,
Книжнöйланьö сетчис —
Могыс вöлі тан.

Пыр жö висерсалөн
Öзйис куслөм лов:
Виттор бонзис налөн,
Тані — жив-здоров!

Савинтö куш кинад
Он на вöлөм босьт:
Книжнöй магазинас
Пöшти лыблiс кось.

Висерсалысь сйöс,
Быттö кыйсьысь кань,
Нетшыштіс скөр киөн
Нөбдiн сиктса ань.

Висерсаыс, кылö,
Лои норсьыс нор:
— «Лучаыс» öд сылөн
Висер вожса морт...

Мөдыс сэтчө пузис:
— Няргыны эн лысьт!
Он төд — сідзкө, узин —
«Тиукыс» нө кысь?..

Облпотребсоюзодз
Воис нормом ань.
Висьтьясыс көть кузьбось —
Вомалісны:— Шань!

Аньос ань жө нерис:
— «Виттор!» Но и мый?
Сытөг кавалерыс
Эм на мөд. Мун кый!

Төлкныд тіян көні?
Но и кык йөй юр!
Ещө-й мырддысьоны —
Мөд зон оз мөй сюр?..

Витторос кө оз төд
Бөб төваровед,
Книгалы йөз костө
Кокныд туй оз шед.

КЫК СЫЛЫСЬ

Кык сылысь өткодъ басаёсь:
Водз асыв и рыт сёр
Веж вөр пытшкё и ва сайёдз
Пыр юргö налөн гор.

Эз кыптивлы сы вылаё
Шаляпинлөн кыз бас,
И сьылём таысь мылаёс
Ме эг на кывлы тась.

Му мөдар помөдз йөлөга
Выль кадлы сетö тон,
И содтö өдсö вөлөкас
Из шома эшелон.

Оз коскыс мудз турбиналөн,
Лөз ваысь лэптö ток,
И ставсö йөзлы иналö,
Мед югзяс гөгөрбок.

Ме кыла нин и аддза нин —
Мелодияыс бур.
Со сэтчаньын и татчаньын
Выль карлөн кыптö юр.

И пельтөмъяс тшөтш кылöны.
Тадз сьывны ме ог куж.
А лөсьыда жö сьылöны
Сөветскöй морт да удж!

СЫЛЫСЬ ПӨЛЬ

Поэма

Жижев Васьлөн пöчыс, пöльыс
Вензьöны нин быдса тöлысь.
Пöчыс:—Петан!
Пöльыс:—Ог!
Меöдз тэныд ичöt мoг.
— Петан! Кыдз кöть вензьы-а,
Кутан босьтны пенсия.
Тэд öд квайтымын да-й куим,
Нимлун бöрад петны шуин.
Юрыд нökъя, шондiбан!
Ныр вылад öд сунтшыктан.
— Тэ вот менö личкан мулань,
Пета кö, сэк дзик нин кула.
— Эн пет, пöльö, эн на кув!—
Васьлөн висьмис морöс ув.
Сийö тöдiс: Мишлөн дедыс
Петiс да, и смертьлы шедiс.
Со и кевмысьö:
— Эн пет!
Тэтöг гажтöм лöö, дед.
Пöчö водзö дзуртö-дзуртö,
Бытьö кырласьö ныж пуртөн,
Сувтса сувтiс Ласьöй дед:
— Пета! Кула кö öд, мед!
Вася ньöв моз öшинь улас:
— Петкöдла тэд, дед кö кулас!—
Кнас мöс колльöдан ньөр,

Ок и пöчыс ылö скöр.
Шогö уси коньöр-мортöй.
Бать-мам мунисны курортö,
Коді дорьяс? Öтнас дзик,
Да и зэв на ичөтик.

Ружтö Ласьöй — нем он кер,
Дасöд лун пенсионер.
— Кылан, пöчö, кылан, мися?
Тöдан кö öд — ёна-й вися.
Кувтöдз видзöдла Оз яг,
Гашкö-й, вая пув ли тшак.
Дедыс мунны кöсийö öтнас;
«Висьöмыс кö гуö вöтлас?»
— Пöльö, менö да-й тшöтш босьт!
— Муна ылöдз зэв, оз позь...
Водзвыв, лоас мый, он тöд тай,
Со и колис лун да-й мöд да-й,
Коймöдöс нин ветлö дед.
Вася пöчыслы:
— Ме тэд!
Пöльöыд тай тэныд шуліс:
Пенсиянас, гашкö-й, куліс?
Пöчö сöмын:
— Ок, ок, ок!
Ласьöюшко, лок нин, лок.

Шуласны тай, вошныд кокныд,
Да зэв сьöкыд бöрсö локны.
Вот и дед эз во, да-й эз.
Морттö корсьö нин став грезд.
Корсьö пöльöс том и пöрысь,
Корсьö ыбъяс ылысь, вöрысь.
Равзö ягвыв, быттьö йöй,
Нерсьö йöла:

— Ласьö-ой!

Бытьö вöрын лёк би ярмис,
Мöдöдчöмны вит пöжарник,
Чож машина гöрдсьыс гöрд.

— Энлöй, оз-ö кодкö бöрд?

— Пельясыд нö кöнöсь тэнад?

Тайö чуксасьö сирена,
Оз-ö кыськö вошöм дед
Горзöм шыас вöрсьыс пет.

— Дыр-ö артасям да варгам!—

Пöрысь Ярö босьтöм сярган,
Бытьö корсьö вошöм вöв,
Кöть и öлöдан, он öв.

Грездсянь неылын вөр пытшкас

Тажъясьöма джуджыд вышка,

Пионеръяс тöрытсянь

Пыр на шыалöны тан.

Найö узьлöнысö кор нö?

Весиг войнас юргысь горнöн:

— Ту-ру-ру! Ту-ру, ту-ру!—

Садьмöдлöны вөр и му.

Корсьö дедöс том и пöрысь
Орчча сиктъясысь и вöрысь.

Эз кöть тышкась-видчы-а,

Корсьö тшöтш милиция.

Кымынысь нин помысь-помö

Веж вөр весьттi, Оз яг вомöн

Вартчис-лэблiс вертолёт.

Абу шутка — вошис морт.

Кöть и корсьысьö став грездыс,

Век эз пет на шогысь мездысь.

Ок и луныс-войыс кузь,
Оз узь пöчö, Вась оз узь.
— Нэмнас некытчö эз вошлы,
Гашкö, гыжъяс сюри ошлы?
Зверыд буртортö оз вöч,—
Вомгорулас лöвтö пöч.
Васькöд, тöдад кö, мый вöчсьö!
Бусöдз изас эськö пöчсö:
— Дедöс певъялiн лун-лун,
Мый нö корсьнысö он мун?
Не кö тэ öд, дед эз кув на,
Мед тэ коркö виньдан пувнас!
Тэ кö вошан, пöльöс моз
Оз на корсьны. Оз, оз, оз!

Васьлысь мөвпъяс огö торкöй,
Мый нö вöйпны дзоля мортöс?!
Дерт жö, шогыс кö эз су,
Пöчлы лөк кыв Вась эз шу.
Со тай век на лөксö öтнас:
— Воас бать, да асьтö вöтлам!
Оз ков меным тэ кодь пöчыд.
Пöльö вöлi школа вöчысь.
Эз кö ло пенсионер,
Эз вен эськö немся зверь.

Дедöс немся зверь эз вен,
Мöдтор вöрас лоис сэн.
Кыдзкö сiйöс вотчан туйыс
Выль посёлок дорöдз нуис.
Медводз аддзис сылөн син
Ыджыд керка вöчанiн.
Сэтчö-й тэрмасьмөн мунiс,
Тшак и вотöс сылөн вунiс.
— Олад-вылад!— шуис дед.

— Аслыд зэв пось чолөм тэд!
 — Кодлы та ыжда дворечсө?
 — Школа тані кыптө-тэчсө.
 — Сідз ме-й чайті, мися, школа.
 Олам на тай, другъяс, олам!
 — Ставыс вөлі эськө бур...
 Курич пукталысь эз сюр.
 Оти эськө-й мян вөлі,
 Да вот висьө пөшти төлысь.
 Здук эз коль, а со нин Ласьöй
 Пестер тырнас куричасьө,
 Шуө:
 — Уджалышта татөн,
 Верманныд тшөтш пыртны штатө.
 Оні, колөкө, и гижөй —
 Нимөй Ласьöй, овөй Жижев.

Көть оз мун, да мунны быть,
 Пуяс костті рувгис рыт.
 Вөчөмторсьыс дедлы рад зэв,
 Оз позь воштыны пө кадсө,
 Гортлань босьтіс веськыд визь,
 Туйтөг мыськышта пө сідз.
 Пемдіс. Туйтөг мунны сьөкыд,
 Да и кыйөдчөм нин рөкыс,
 Жалитөмтө сійө оз төд,
 Дедлөн кокыс — вужля костө.
 Ачыс уси кымыньөн.
 Адөй! Лыйыштіс кок сөн.
 — Татчө ог на кулөй,— шуө.
 Кок пөв йылас пуысь пуө
 Часнас, гашкө, нель сө метр
 Сьөкыд туйсө каттис дед.
 — Тадз эг «ворслы» на, но, трустө!
 Татшөм «ворсөмыд» зэв мустөм.

Смерть, эн вѳтчы! Он на ви:
Кок кѳть ѳти, эм кык ки.
Украинаысь джын мусѳ
Кынѳмѳн ме ниртлі бусѳдз.
Тась, ог верит, мый ог пет!
Пета! Нярган шы ог сет.

Ыбъяс помысь коймѳд рытѳ
Аддзис Ярѳ:

— Со тѳ кытѳн!
Корсьыся жѳ. Чайтан, нярга?
Не кѳ менам варов сярган,
Эн на эськѳ вѳрсьыс пет.
Веськыда ме шуа тѳд.
Сѳссия бурдѳдчыны карѳ
Дедѳс кольѳдіс тшѳтш Ярѳ.

Бурдѳдчис. Бѳр воис Ласьѳй,
Пѳся-пѳся кутліс Васьѳс.

Пѳчлы шуис:

— Пув эз во,
Ачым век на ловъя со.
Пенсиянад тай он чужъясь,
Пыр и конйыштас лѳк вужля.
Кулѳмсьыд ме ѳна пола,
Сѳ пѳв бурджык вѳчны школа.
Уджалышта, эм на вын.
Пѳчѳ татчѳ — кыв ни джын.
Дедлы тайѳ-й вѳлі колѳ:
Бара уджалѳ да олѳ.

Сѳссия-й локтіс ѳтчыд коркѳ,
Вомгор улас сьылѳ-боргѳ,

Пѳчлы шуѳ:

— Гѳтыр, кылан?

Ог өд ме, а сьөлөм сьылө!—
Мыччис быдса ки тыр сьөм,—
Ньөб выль сарапан, выль көм.
Сөмын кызд коть шензьи-а,
Тайө абу пенсия.
Төдан кө өд, тайө, зон,
Воддза бөрын уджысь дон!
Кодыр мортлөн сьылө сьөлөм,
Сэк на тай и овныс, вөлөм!

ЮРИНДАЛЫСЬ

Тэ менам дор и шӧр	3
Менам маяк	5
Ас му дінӧ кыв	6
Бурсиӧм	8
Эм менам ставыс, эм	9
Музакӧд	10
Пӧсьлун	11
Бур йӧз ради	12
Чужан му радейтысьяс	13
«Катюша»	14
Пролетарлы кыв	16
Мӧд Пётр	17
Тэ пыр на ловья	18
Сезӧлӧтӧй	19
Рӧдвуж	20
Муса поэтлы	21
Ки эг лэптӧй	22
Вӧлі медбӧрья залпяса тулыс	23
«Лоны враг водзын куканьӧн...»	24
Веж сорса слуда	25
Бурьяс, локтӧй!	26
Сям йылысь кыв	27

Кык отсӧг	28
Пӧрысь столяр	29
Воськов бӧрся воськов	30
Другасьӧм	31
Вокъяс	32
Кӧсийӧм	34
Ас мулӧн пасъяс	35
Муза чуксаліс ӧтчыд	36
«Чомӧр сѣйны ме ог муӧ...»	37
Мем сәні окота на овны	38
«Бурсиа тэд шонді бердсянь...»	39
Медся прамӧй	40
Кылӧдчӧм	42
Ӧвсьы, другӧ, ӧвсьы	44
Кодыр мирын кӧнкӧ зыка	46
«Пӧшти быд лӧбач зӧв сьылысь...»	47
«Суседлӧн ӧдзӧс ӧти паса...»	48
Мед мича, бур мӧвп сетны тэд	49
Пищаль	50
Выль чужысьлы	51
Бур туй тэд, лышкыд багатыр!	52
«Йӧй арлыднад тай кокныдасьлан...»	53
Лыдпасъяс йылысь	54
Татшӧмыс дзик ӧти на	55
Овлӧ — сьӧлӧм сьӧдасьлывлӧ	56
Коми книгалы	57
Сьӧлӧмъяслӧн йитӧд	58
Сӧвесть менӧ йирӧ	59

Эн, эн вөрөд!	61
Мыйла ме сэтшөм?	62
Сувениръяс	63
«Эн чэйт, мый тэ кё лэдзан вөр...»	64
Батълөн висътысь	65
Коми книга йылысь баллада	66
Кык сьылысь	69
Сьылысь пöль (поэма)	70

Иван Михайлович Вавилин

Стихотворения

Поэма

На коми языке

Художник А. В. Мошев

Редактор В. А. Попов

Художественный редактор С. А. Холопов

Технический редактор А. Н. Вишнева

Корректор А. А. Надуткина

Сдано в набор 22/XII-1972 г. Подписано к печати 7/III-1973 г. Формат 60×90 1/32. Бум. л. 1,25; печ. л. 2,5. (Уч.-изд. л. 2,55). Ц00670. Заказ № 538. Тираж 1800. Цена 42 коп. Бумага № 1. Коми книжное издательство. Сыктывкар, Дом печати.

г. Сыктывкар, Республиканская типография
Управления по делам издательств,
полиграфии и книжной торговли Совета
Министров Коми АССР.

4211